



Inatsisartunut ilaasortaq Malik Berthelsen

### **Qatserisartut pisortaasa politiillu akeqanngitsumik biileqartitaasarneri pillugit Naalakkersuisunut apeqqutit**

Inatsisartut suleriaasianni § 36, imm. 1 innersuussutigalugu 13. august 2010-mi imaat-tunik apeqquteqarputit:

1. Qatserisartut pisortaasa politiinilu pigaartuusut sillimasussatut tapisiaqartitaanerat peqqutigalugu angerlarsimaffiminnut pituttugaanerat Naalakkersuisut naapertuilluar-nertut isiginerlugu?
2. Biilnik 4 tons qulaallugu oqimaassusilinnik imminut tunngasumik atuinerup akileraaru-teqaataanginnera, Naalakkersuisunit suna tunngavilersuutigineqarpa?
3. Qatserisartut politiillu biileqartitaasarnermi akileraarutitigut akiliisinneqartarnermin-ni Nunatta karsia qanoq pissarsisarpa?

Akeqanngitsumik biileqartitaanerup nalinga aningaasarsianit akileraarutit pillugit Inarsi-sartut insatsisaanni § 19-imi malittarisassat malillugit akileraaruserneqartarpoq. Imm. 8-mi aalajangersakkat naapertorlugit angerlarsimaffiup suliffiullu akornanni biilernerq, suli-sup aggersarneqarsinnaalluni pigaartuunerup nalaani biili imminut tunngasumik allatigut atunngippagu aammalu sulisitsisup sulisup aggersarneqarsinnaasut pigaartuutilluni angerlarsimaffiup suliffiullu akornanni biilimik atuinissaannik allaganngorlugu pisussaaffi-lersimappagu, imminut tunngasumik atuinertut isigineqangilaq.

Aalajangersakkamut oqaaseqaatini ilaatigut allassimavoq sulisoq aallaaviummik piffis-sap nalinginnaasumik suliffiusup avataani angerlarsimanissamut pisussaaffilerneqarsi-massasoq.

Malittarisassap nassataraa ilaatigut qatserisartuni politiinilu sulisut inuiaqatigiinni qitiu-sumik suliassat arlannik suliaqartillutik biilimik akeqanngitsumik atugassinneqarnerminni akileraaruserneqanngissinnaanerat.

Biilit pineqartut imminut tunngasutigit, assersuutigalugu meeqqat meeqeriviliaanne-qarnerannut aaneqartarneranullu, pisiniarfinni niuerniarnerut, ilaqtannut pulaarnernut assigisaannulluunniit atornerqarpata, akileraannginnissamut tunngavissaarutissaq, taamaattoqartillugulu biilit nammeneq pigisatuulli atornerqarsinnaallutik sulisunut anin-gaasatigut iluaqusersuutaassallutik.

Aleqa Hammondip, Siumut, kiisalu Finn Karlsenip, Siverth K. Heilmannip aamma Knud Kristiansenip, Atassut, siusinnerusukkut § 36, imm. 1 naapertorlugu apeqquteqaataasa 11. september 2009-mi kiisalu 1. marts 2010-mi akissuteqarfugalugit allakkiat innersuus-sutigineqassapputaaq.

Ulloq  
12. oktober 2010

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

Naalakkersuisulli malugeqqussavaat aggersarneqarsinnaalluni pigaartuunermut atatillugu sulisut angerlarsimaffiisa suliffiisalu akornanni biilimik atuinissaannik sulisitsisup allaganngorlugu pisussaaffilersimappagit akileraarusersuisoqannginnissaa ilaatigut siunertaralugu aningaasarsianit akileraarutit pillugit inatsisip allanngortinneqarnissaanut inatsissatut siunnersuut saqqummiunneqarmat. Tamanna ima paasineqassaaq, sulisup aggersarneqarsinnaalluni pigaartuunermi nalaani pisiniarfinni niuerniassatilluni, meerarisanii meeqqeriviliaannerannut aaneqarneranullu, ilaquuttaminut ikinngutiminullu il.il. pulaarnerminut atatillugu biili atorsinnaasassagaa.

Aggersarneqarsinnaalluni pigaartuunermut piumasaqaatit allat allanngortinnagit ingerlateqqiinnarneqassapput. Sulisoq sumiiffinnut "assigiinngiiaartunut" siumut ilisimaneqariinngitsunut aggersarneqarsinnaajuarnissaa matumani assersuutigineqassaaq. Tamanna ima paasineqassaaq, sulisoq aggersarneqarsinnaalluni pigaartuunermi illoqarfimmi najukkami sumiiffinnut assigiinngiiaartunut siumut ilisimaneqariinngitsunut aggersarneqarsinnaasariaqassaaq.

Aningaasarsianit akileraarutit pillugit inatsimmi § 19, imm. 6-imi aalajangersagaavoq lastbiilnik 4 tonsit sinnerlugit oqimaassusilinnik kiisalu biilnik tankiminni usisartunik, kraninik kivitsissutinik aammalu eqqaasut biilnik namminerisamik atuneq akileraarusii-soqartussaannngitsaq.

Naalakkersuisut isumaqarput qamutit motorillit aalajangersakkami pineqartut biilnut nalinginnaasunut sanilliullugit ilorrisimaarnannginnerusutut il.il. isigineqarneri pissutigalugit ajoqutissartaqarsorinanngitsaq pineqartunik atuinermi akileraarusiisooqartannginnera.

Politiit qatserisartullu biilnik immikkut sanaajusunik akeqanngitsumik atuinermi akile-  
raartitsinikkut Nunatta Karsianut isertitsissutaasartut Naalakkersuisunit erseqqissumik  
kisitsisaatigineqanngillat. Mianersortumik eqqoriarneqarsinnaapput 150.000 koruunit  
200.000 koruunillu akornanni annertussuseqartut.

Inussiarnersumik inuulluaqqusillunga

  
Palle Christiansen